



ADIERAZPENA **(EKITALDI NAGUSIETAN IRAKURTZEKO)**

Hezkuntza Agenda berriaren onarpenak eman dio hasiera 2016. urteari, eta munduko estatu guztiak berriro ere saiaturiko dira *kalitatezko hezkuntza inklusibo eta bidezkoa ziurtatzeko eta guztiontzako bizitza osoko ikaskuntza sustatzeko* helburua betetzen. *Epea: 2030.*

Gaur egun, munduko 124 milioi haur eta gazte ez dira eskolara joaten; horietatik 59 milioik ez dute lehen hezkuntza ere jasotzen, eta 65 milioi ez dira bigarren hezkuntzako eskoletara joaten.

Asmo onak eta konpromiso politikoak lortzeko ezinbestekoa da **finantzaketa nahikoa eta kalitatezkoa** izatea, horixe izan dugu azken 15 urteotako ikasgai nagusia. Izan ere, urtean 340.000 milioi dolar inbertitu behar dira garatzeko bidean diren herrialdeetan 12 urtez derrigorrezko eta doako hezkuntza bermatu ahal izateko. Edo bestela esanda, garatzeko bidean den herrialde batean haur baten hezkuntzaren kostua eguneko 1,18 dolarrekoa da batez beste, eskolaurretik bigarren hezkuntza amaitu arte, eta kopuru horretatik 1,04 dolar garatzeko bidean diren herrialdeek berek jartzen dute. Beraz, herrialde emaleek eman beharreko kanpo-finantzaketaren arrakala haur bakoitzeko egunean 14 zentimokoa da bakarrik.

Espainiak murriztu egin du Garapenerako Laguntza ofizialean egiten zuen inbertsioa, eta horrek zuzeneko ondorioa izan du garatzeko bidean dauden herrialdeek hezkuntzan inbertitu duten ehunekoan. Aipatu murrizketek eragina izan dute, era berean, hezkuntza alorreko inbertsioan, bai estatu mailan, bai erkidego mailan.

Horregatik guztiagatik, Hezkuntzaren Aldeko Mundu Mailako Kanpainan, aurten, Hezkuntzaren aldeko Munduko ekintza-Asteak dirauen bitartean, mobilizatu egingo gara geure agintariei Hezkuntza-eskubidea bermatzeko xedean hartutako konpromisoak finantzatzeko aurrekontua izan dezala eskatzeko.

Gainera, eskolak eta hezkuntzak haurrengan duten babesle rola nabarmendu nahi dugu. Hezkuntzak pobreziaaren aurrean babesten gaitu, izan ere, gaitasunak sendotzen dituen tresna

da; hezkuntza jaso duen pertsona ez da hain ahula, libreagoa da eta gizartean parte hartzeko aukerak ditu; hezkuntza babeslea da larrialdi- eta gatazka-egoeretan, bakea eraikitzen du eta gizarte-partaidetza sustatu.

Eta babes hori ezin da bermatu estatuek ez badute hezkuntza finantzatzeko benetako konpromisorik hartzen.

Bete gabeko konpromisoz eta lortzeke dauden erronkez betetako egoeran sortu da Agenda 2030 berria. Egoera horri aurre egiteko, bakoitzak zerbait egin beharko du. Munduak funtsezko aldaketak behar ditu, eta horrek **herritar global aktiboen belaunaldi berri bat** eskatzen du, jakintza, jarrera eta jokabide berrien jabe dena, Gobernuak hezkuntza-eskubidearen inguruko konpromisoak bete ditzaten eskatuko diena.

Hau da eskatzen duguna, hain zuzen:

1.- Hezkuntzako Agenda 2030 egitasmoaren konpromiso guztiak betetzea, kalitatezko hezkuntza inklusibo eta bidezkoa bermatzeko eta guztiontzako bizitza osoko ikaskuntzarako aukerak sustatzeko. Konpromiso horiek estatu guztiek nahitaez bete beharrekoak dira, baita Espainiak ere.

2.- Gobernuak bere ekarpena handitzen joateko plan zehatza finka dezala, Nazio Errenta Gordinaren % 0,7 Garapenerako Laguntza Ofizialera bideratzeko helburuarekin, eta hori lortze aldera, legealdi honetan gutxienez % 0,4ra iristeko konpromisoa har dezala.

3.- Gobernuak Laguntza Ofizialaren % 8 gutxienez oinarritzko hezkuntzara bidera dezala, Diputatuen Kongresuaren 2006ko lege besteko proposamenak eta Senatuaren 2013ko mozioak gomendatzen dutenez. Halaber, garrantzitsua da onartzea hezkuntzak funtsezko egitekoa duela larrialdi- eta gatazka-egoeretan, eta ildo horretan, laguntza humanitarioaren % 4 hezkuntzara bideratzea, gutxienez.

4.- Hezkuntza gai nagusietakoa izan dadila politika publikoetan, funtsezko giza eskubidea baita, beste eskubide batzuen bideratzaile, garapenaren bultzatzaile eta ondasun publiko globala. Horretarako, emaile izateagatik dagozkien konpromisoez gain, Espainiako eta autonomia-erkidegoetako gobernuek hezkuntzako aurrekontuak handitu ditzaten eskatzen dugu, legealdi honetan BPGaren % 5eko inbertsiora iristeraino, gutxienez.

5.- Hezkuntza Eskubidearen eta Garapen Iraunkorreko Helburuen alde sinatutako konpromisoen betetze mailari buruzko azalpenak ematea herritarrei.

Egin bat gure eskaerarekin: Ireki zure euritakoa Hezkuntza Babesteko